

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

KANURI

# KARĒĒ KAMBE

J. R. GSCHWEND.

**Fato Alabe Ra Fato Cidabe Shatanbe. 1 Yohanna 3:4-10.**

Ata kitabu bəlin gənyi. Burgon lardə Fransaben bayantəna ngabo sagaa yor indi (200) kəzənaben. Am duburo nurra barga kura-aga sugutəna. Kutəram robero walgono suro kwanga-a kamua-aben kəndəganza robe raksa sorin alama Alaye shiga surintəgai. Am ngubu karəgəanza bigəga soruna ata nangkaro təpsana-a daji karəgə bəlin-a ro bəlin-a suronzan səfandi.

Sa kitabu atəga kəranəminga, martəgəne tangne shima kutəram karəgəbega surotən kəranəmin kuru nyi kəlanəm rangnəm rumin. Au nyi kərđi, au nyi Kristima, au nyi ngaboro waltama, fotonəm fandəmin alama Alaye surintəgai. Alata ndumabe daraja surin ba. Karəgə kambe surin, fəska au launuga surin ba.

Shatan shima aba kattuguwu sammasobego, shima maina nəmsələmbe go, kuru shima Ala dunyabe go. Kəlanzəga malaiga nurbero kalakcin. Amma kərma malaiga nurbe gənyi alama am ngubu shiga sorin amma shiga fotonzə nəmjiirebelan wazai. Alama zaman cabelan, kərma kəngayamma kattugube ngubu cidawu batilabe, kəlanza kəngayamma Yesu Kristibero sadi. Amma ata ajab gənyi Shatantə shi kəlanzəga malaiga nurbero kəlakšəna. 2 Korinthiyawa 11:13,14. Shatan shim-a hangalla-a ambe kəmbuzəgin daji sandiye kərago Alabe-a nərga-a nəmkuura-a Alabe raksa sorin ba kuru Yarwomanza Yesu Kristiga sorin baye. 2 Korinthiyawa 4:4. Amsoga Ala dunya atəbeye kəmbuzəgəna raksa sorin ba sanditə sakro sagashin banna abadabero suro kannu janəmbe abadabero kau kərnagəbe kainoalan warjintə. Sandiye Alaro sonuna kuru sandiga ro Ala dunyabe hogumtai. Afisawa 2:2.

“Dalil Tata Alabe bayantənətə, kəndoa Shatanbe bannətə nangkarō.” 1 Yohanna 3:8. “Atə nangkarō Alaga nandi kəlandoga gaiwogo. Shatanro daptənogo daji nandilan səgashin. Alaga karəngogo shiye nandiga karəngjin.” Yakub 4:7.

Sa kitabu atəga kəranəminga kuru fotoanzə rumin, karəgə kəlanəm rangnəm rumin. Karəgənəmga kolle matə kəndə-ganzəga rui. Karəgənəmga dibiye bigəwaye fandəmiya, wante angərnəmiye gəranəmiye amma atəro kasanne kuru bigəanəm njirne. Bigənde ba gulnyeiya, kəlande fainyenu, kuru andi jirewu gənyi. “Bigənde njirnyenga, Alaye mərshə-a nəmadala-a bigənde gafərjin, kuruman agoa adal gənyi sammason andiga yitatahirsagai.” 1 Yohanna 1:9. Bigənde gənyi gulnyeiya, shiga kattugumaro diyen daji suronden mananzə ba. 1 Yohanna 1:8-10. Kəlandoga roganaaro gonogo musko kəntəboa Alabelan atə nangkarō bigəndo raksə gafərjin kuru bu darajaa Yesu Kristibelan nandiga tuljin.

Nyiga Ala ra Shatan hogumjin. Nyi kənji bigəbe ra waladi Alabe. Bigə rənəmga hogumjiya, wante angərnəmi. Alaro yikkərəmma ngəla go, nyiga sutulugin nasha Yesu Kristiben am bigəwu nətəkago nangkarō dunyaro kadio, shimma kəmbuabe fərəmtaro, andiga nəmsələmlan tulugoga kuru nəmsələmga andilan tulugoga. Suro nurnzə ajabbabero andiga kuto nangkarō kadio. Yesuye kəntəboa bigəbe-a Shatanbe-alan andiga tulugo nangkarō kadio. Shimben bigəndelan tarwiyen. Fugu Ala tahirbelan danəmin ashirranəmma kuru kəndoanəm gəragataga sammaso surinye nozənaye kuruman sogoriwoso. Kəlanəmga kəndoanəmga Alaro rangnəm gəranəm ba. Shiye sumo koksənətə, fanjin ba ba? Shiye shim sədintə surin ba ba? Zabura 94:9. Dalilnzətə shimnzə delfua kambe sorin, letəanzə samma surin. Nəmsələm ba gare kərmube ba na cidawu dibibe kəlanza gərazai. Ayuba 34:21,22. Shim Kəmatəbe dunya sammasoga surin, kəlanzəga dunoaro fəlejnin sandi karəgənza nasha nzəro kal-kalmatə.”

Shi bigənzə gafərtənətə bargaa, shi bigənzə zaktənətə bargaa. Kam dugo Alaye bigəga gənazəgənyitə bargaa, suro ronzbən gube bago. Zabura 32:1-5; Zabura 51. Kusoro Yesu kuwaso bogojin: “Na nyiro arogo nandi sammaso cidanəwitə kuru kurgoguro laptəwi daji nandiro tusu yiskin.” Matta 11:28,29.

## FOTO KƏNTILOMI

Foto atə karəgə kərdi-a bigəməbe-a fəlejin, kwanga au kamu dunyabe, tambo robe ba, ro dunyabe-a kuru məradəa-a kəragoa-a tigəbelan hogumtənamatə. Atə shima kutəram jire karəgənzəbego alama Alaye shiga suringai. Shimnzə



### 1. KARƏGƏ BIGƏMƏBE

kime nəmkənzənzə manazəgin. Karabua 23:29-32. “Ndu karəgənzə kuttu gə? Ndu shimnzə kime go? Sandi mbal kənzənan dagunətə, sandi mbal tuskaro maza lezaitə. Wante

mbal rumi sa shi kimelan, sa koslan jilinzə cin, sa kəlanza kal-kalro zəgəndintən. Dargelan alama kadigai sənandin alama nando jibatobegai sənandin. Shimnəmye kamua faibe sorin kuru karəgənəmye agoa kalkal gənyi manajin.

Sədiga kələben karəgə kambe rangnəm rumin suronzən dabbaa gadegade mbeji, bigəa ngubu-a gadegade-a suro karəgə kambero manazaigaitə. Karəgətə shima njim bigəndebe go. Alaye wono: “Karəgətə ago sammasoga nəmbatilalan kozəna kuru zauro dibi. Ndu shiga raksə nojin?” Irmiya 17:9. Yesu kəlanzəye wono, “Atə nangkaro suronzəlan, suru karəgə kambelan sogoria dibibe, kənzənaa, nəmgəntəmma, kam njezoa, nəmbərbua, nəmgangar, nəmdibi, nəmbatila, mərədəa dibi, shim dibibe, Alaro rista, rokura, nənzoli sulugo. Agoa dibi samma anyi suronzəlan isai.” Markus 7:21-23.

### NGUDO TAWUS

Dabba kəntilomi shima tawus go. Shiye ngudo zauro shawa fəfetowanzə jilijili ajabbalan kuru na atəlan bigə rokurabe manazəgin. Lucifer, malaiga samtəna, shima nur Alabe gotəma go falro, malaiga Alabe rokuranzəlan sukkurəna kuru kəlado Alabero, Shatan, walgono. Ishaya 14:9-17. Kə-rma Shatan shima malaiga nəmsələmbe go.

Rokura futua ngubulan kəlanzə fəlejin. Lagasoye kə-lanza kəla nəmgalibunzabero, kəla kəngantinzabero fəwasobe, dimisobe, fətoabe au lardəabe, kəla kəzəmuanza taman ngububero, kəla fəska shawa-a tigəntə-also futu nongualan fəlezaitə rokura sadin. Lagaso kəla jilinzabero, kəla il-munzabero, kəla duno tigəntə-also, kəla kəndəa ngəla dunya-bero, kəla launu tigəbero, kuru kəla agoa gade ngubu faida babero rokuralan kainoa sadin. Lagaso kəlanza shawa-təgəro ngənəptai muskorammalan, kulumma səməbelan, fəskaanza-a tigəntə-also zozai kuru kamzai atəgaiya Alaye tigəga ngəlaro sədəna. Ala am rokuraasoga dapcin amma am roganaasoro her cin. 1 Bitrus 5:5. Alaye rokura-a rutə ambe-aga wajin. Karabua 8:13. Rokura fugu bannaben lejin kuru ro rutə ambe fugulan sukkurin. Karabua 16:18.

### KƏRITƏ

Kəri mərədəa tigəntə-also bayanzəgin, hal dibi, kənzəna-a nəmgəntəmma. Ndarayaye kəri lejin, shima kəlanzəga kada-buaro sədən. Am ngubu atəgai. Ndarayayero lezai kama-nzaro nəmkəragogai fəlezai. Nəmgəntəmma, kənzəna-a ka-bua dargebe-a dibi-alan zauro ngubuzana. Am ganagana kəlanza raksa salifin ba, kuru kwangaa-a kamua-an kunte

kambaa ngubu kənzənalān dagai. Bigə Sodombe ye roa debua sətana, atə nangkarō manaa Yesubega tamozai, suronzən Yesuye wono, “Kabua dargebe alama kabua Sodom-a Gomorrhabe-agairo waljin.” Zuluwu Basutwuye kuru jilia gadea kam kənzənama-a hal dibi-a “KƏRI bogozai. “Kam alama atəgai kərmai Alabega waratajin ba. Atə nangkarō degaro KƏRIA-a, karamaa-a, kənzənamaa, kamcejjia, am ago abattəwuso-a nduyaye kattugu sərəgəna kuru shiga sədin.” Bayan Yohannabe 22:15. Atə nangkarō nəmgəntem KASHE. Bigə samma kam sədintə tigənzə dabun ba amma shiye kənzəna sədintə tigənzəro bigə sədin. Abi? Tigənəm fato Alabero nonəmi ba? Kam au kamuye fato Alabe (tigənzə) kadabuarō sədiya, shiga Alaye bannajin, fato Alabe tahir nangkarō andima fato atə go. I Korinthiyawa 3:16-18: 6:15-20.

## GODUTƏ

Godutə bigə nəmkənzabe-a kəmbu ngubuabe-a fəlejin. Godutə ago sammaso zəbin dibalzəro ishintə. Kate ngəla-a dibi-abe karjin ba, alama am ngubu dabbaatə kəlanza sonintəgai nəmdondi nangkarō au dabunza kərigataga zabin. Bu-a jilwaa-a bobidugərri gapsənanzaa zabin, ago Alaye gulzənatə buiyen ba. Kəndoa 15:20; Ishaya 66:3-7. Kua-miyaye tigəwanza kadabuarō sadin, fato Alabe, taba au angələ kadabua kəmbua, sərintəa au kənzəalan, ago bunzaga kadabuaye asammayero sədin kuru suro adaa bigəbero səkkin. Shatan sandiga sərgerin mərədə tababelan, kuru Ala shi tilonzə kəntəbonzəlan kwanga au kamusoga ada kadabua ye fulualan sətəgagin. Am gana-a kura-aso abima bagoro təmazana kənza kam sagananjintə alama mbal gaiye. Abiabinyaye kənzama dugo kərmai Alabe waratajinma ba. Mbalye kəmbu gənyi, kənza nunaa hangal tuskajintə kuru shiga lorujintə, atə nangkarō am shiga sasaitə zoligai. Hal dibiario walzai kuru harma kamanza cesheshin ago ngailanga sadin batə. Atə nangkarō mbaltə karisəma, kənza dunoaye tajiribaaye kam dugo shilan faitənatə, shi hangal baa. Karabua 20:1. Suro shāra Musabelan tata tulumā ye kənzamayətə kaulan baksa cesheshin. Shara 21:19-21. Am dugo mbal detamatə sandiye aibuma alama am saladinso sasaisotə gai. Dalilnzətə Mana Alabe wono, “Sandiro karəgə kuttube kənza dunoa tuskazaitə. Ishaya 5:22. Shiro karəgə kuttu kəmaskinzəro kənza cintə, shiro kolbaga kənjotə, shiga kənzamarō sadin. Habakkuk 2:15. Wante kəlāndo fainəwi,

ngəntəmma ba, am agoro abattəwuso ba, kamukamuye ba, kamanza lantəmaye rokko Adamganasoben ba, barbu ba, angartəmaa ba, KENZAMAA ba, lantəmaa ba, zambama ba kərmai Alabe waratazai. 1 Korinthiyawa 6:9,10.

Cidaa tigəbe bayantai, anyi-abattə agobe, cida karamabe, watə, ləbalaa, nəmcimi, KƏRIGƏ kuru gapsənanzaa. Sandi agoa atəgai sadintə kərmai Alabe waratazai ba. Bagalitiya 5:19-21. Wante kənzamaro walləwi suro atəlan ngubu mbeji, amma Ro Tahirbelan təmbəlogo. Yesuye baramrobeye am nguduaro bogozə atəga cin, “Nduyaye kam nguduətə nanyiro isə, sai nji robega ngubu.” Yohanna 7:37,38. “Dane dugo kam nguduaso njiaro isə, kam kungəna batə. Arogo, yibogo, buiogo; aa arogo, mballa camma kungəna baye taman baye yibogo. Abinangkaro shi bəri gənyitə kungəna banmanəwi kuru cida mərədə galjin ba diwi.” Ishaya 55:1,2.

## KUDUKAREYA

Dabba atə hangalhangallan letəma bigə nəmlajebe-a dabartəbe-a nəmkarabe-a manajin. Nzasəra bago alama bigə nəmkarabegai. Shi lajetə jaraptəa nguburo sukkin. Cidatəro ndaltəma sərəgəna go təbbəro kam njezaro sukkin. Nəmlaje robe andiga Alaga ngodoro kuru Mana Alabega kəratəga kuru fato Alabero letəgaro dapcin. Mana Alabe matəro andiga dapcin suronzen ro abadabe mbeji. Dabartətə barbu sabe kuru darge bannatəmaro waljin. Sa Alayə nyiro manazəgənatən ku karəgənəm Alaro ye, daji Shatan ishin kambaikambairo nyiro manazəgə, shiga dabarnəmin sai bali au yim laga gade, assha! ishin ba. Shiga dabarnəmin yim fal ngabo gadeben, saga fal ngabo gadeben sai kərmu nyiro gənzəgin tadə balan kuru numin Alabe bago, Liboma bago, Kristi bagolan. Atə nangkaro Alayə wono, “Ku kogonzə fanəwiya, wante karəgəando cibbugəwi.” Ibraniyawa 3:7-8.

Kare kudukareyabe ngubusoro kurgunma karamabesoye faidatai kuru atə nangkaro bigə cida karamabe-a kəmbafibe-a atəye mbərsata-a kəndoa-a manajin susu Ala roabero mbərsatəro. Susu Ala roa bogotabero sa kəndondibega au ngunububeealan, am agoa abattəbegai, fərtəagai, kauagai, kangadiagai au agoa gade nunasogai, kurgunma karamabeye tabatsəgəna, mbərsazana, amma Alaktəmanza-a Yarwomanza-a sasasəraitə sandəna. Alayə tataa Israilabero amari kaino, wono, “Wante karamabe ronə amarnəwi.” Lugo 22:18. Suro ndon təfandin ba Ala ngorəma, kuruma, sərəgəma, karama kamube, am lairabega wujir deoma, karama kwanga-

be, am am nunasowa torin fəska fəskaro. Atə nangkaro sammaga agoa anyi sadintə KĒMATĒYE ZAURO WAZĒNA. Shara 18:10-12. Wante gouso gawi au karamaasowa manəwi, nandiga kadabuwaro sadin. Wuma Kəmatə, Alandogo. “Kuru kam karamaa zəgaitə nəmzanyi nangkaro, wuye shiga langin, shiga tulugəskin suro amnzəben.” Kəlāndo tahir-gəno go atə nangkaro kuru tahirnogo, wuma Kəmatə Alāndo. Levitikus 20:6,7. “Yesu Kristi shima nzəkkəmeroma tilomigo ro-a, karəgə-a, tigə-alan, bigənde sammasoga gafərjin kuru nəmdondinde sammasowa səkkəmerin.” Zabura 103:1-3. Suro ndon kam dondi mbeji ba? Am wuraa fato Alabega bogozo (likitatə gənyi) kuru kəlānzən Ala ngodoza kuru ngodo nzasərabə dondiga sətəkagin kuru Kəmaye shiga həcın. Shiye bigəa sədənaga, sandiye shiro gafərtai. Bigəndo njirno-go kamandoro, kuru kamandoga ngodonogo merəwi. Yakub 5:14-16. Bayan Yohannabə 22:15.

Sa kitabu gana atəga kəranəmintən, Alayə nyiro manazəgin, nyiro shin, bigəanəmlan təmne kuru Alaro ronəm kolgəne, amma ro kudukareyabə karəgənəmlan nyiro tatapsəgin, “Wante azalnəmi, ku wante kolgəmi, bali shiga dimin, magə fugubən, saga fugubən ngəla, kwanəmgə sogorne burgon, kamunəni au abanəmgə sogorne, larusa dimin burgon, tataanəmgə burgon kajane. Susu kogo Alabega kəngabə, səmənəmgə kogo faitə Shatanberə sargumin. Atəgai diolan karəgənəmgə cibbugəmin har shiye cibbujin alama kare kudukareyabəgairo.

## ZAZĒRMA

Atə dabba janānaye bu kənzamaye. Gərgatə-a karəgə zau-a kuru gapənānzāa manajin suro karəgə kambən mbeji. Nduyayə karəgə dibi-a gərgata robəgalan hogumtənātə kəndoanzə nəmkəlādobə-a, kashi kəmbua-a lantə-a kuru kam njezoro təkkin təbərro. Kam alama ro shatanbega kənza fəlangin təbərro sa mbalga saitən raksə kəlānzəga salifin ba nangkaro. Kaigəwa ngubu kəlānza sasumbəlin kəlānza banata sogoria dibia kəndoga rumboro sadin. Mbalnza asam dabba kəlādo kura suro njibə-a asam nəmkəlādo kadiabə.” Karəgə bigəberə rumbo kəji go amma Ala shima rumbomandə go. Yesuyə wono, “Kəlādoando ragogo.” Ala wadə gogono andiro bigəandə gafərjin, andiye sandiga gafərnyeyi ya ago dibi andiro sadənātə.



## KADI

Aləgə atəro zauro shawa go yim laga. Amma Adam-a Hawa-aga suro kulo Edenbelan faigono nəmkanmza kəji-a, nəmsoba-a bannajin. Shatanye nəmdəligatə sa Alaye kwa-a kamu-a zauro sərəgəna surunatən kuru sandiga dunya samma-ga hogumguro sədənətəro susu Lucifer Shatanbero. Shatanye suro nəndəliben nəmkanmza-a, ronza-a ajabbatə dabari sədo kuru bannatəlan nasərgatə. Nəndəlītə nuna-a, janana-a, samma tilo suro karəgənəmma, ronəmma kuru shiye nəmke-jinəmga tagasshin sa am gade kəji fanzaitən kuru nələfan dagu. Cidamaa Kristiben kunte hangallan dolero njissaga ro Shatan nəndəlībero Ala cidama gade bargaarə sədiya nyi kəlanəmga kozəna. Nəndəli sogoria dibibe ngubuaga suro karəgənəmberə səkkīn, am gadega cida karamaberə səkko, karəgə am gadebe kəji bannanəmin kuru sandiga yezəmin. kəla sandiro nəndəli dimin be nangkarə. Nəndəli kate kwa-a kamunzə-abetə fanza-a ronza-a sammasowa raksə bannajin Nəndəli jananağai kərmugai. Kaiga Sulaimanbe 8:6.

## KOKKO

Kokkotə katti zəbin kuru na atən bigə ndələmbe manajin kuru kərago kungənabe-a nəmgalibube-a ago fərtə nəmdibibe samma. 1 Timotawus 6:10. Kokkoa laga suro lardə Congoben turuna kəngəbua zabin sai reta sonin. Kam ndələmmatə ngudia-a lambiwuro-a agonzə kənjo sərəgənyī. Futua sammalan ngənəptin adal au adal gənyī nəmgalibu dunya atəben sapcin kuru ribajin ago ngabo samma kulongu-a kanammaye bannazai kuru barbuaye ndalzai. Atə nangkarə Yesuye andiro wono, “Kələndoro ləman samilan gənanogo na dugo barbuaye raksa namzai ba, ndalzai balan, atə nangkarə na ləman dəganatə, na tutulan karəgənəm karga. Matta 6:20,21. Akan-a am fanzəbe-a sonuna dinar-a lifəla-a kulgu taman ngubu-a sərəgəna nangkarə kuru ago langatatə gogono. Joshua 7. Yudasi Iskariot, fugura Yesube yizəna kungəna ragolan Yesuga kozəna nangkarə. Matta 27:3-5.

## SHATAN

Shima aba kattuguwu sammabega kuru sandi kattugu sadintə. Shiye sunyi dabbaa samma anyibe kuru karəgə hogummabe. Yesuye wono, “Nandi abando Shatanbe agoa

dibi abandobe diwi. Burgo hawallaman shima ro gotama go kuru suronzən jire ba. Sa kattugu kamjinlatən kagənzəbe manajin; shi kattuguma, kuruman aba kattugube.” Yohanna 8:44.

## SHILLOGUTĒ

Shillogutə karuruti suro karəgə kamgasobero manazəgin. Na atə shima sələm go, bigəlan kadabuario tədin, adaa dibia, atə nangkarə cidanzə kalkalro sədin ba. Ibraniyawa 10:22.

## SHIMTĒ

Shim Alabe ndarason mbeji kuru abiso suro karəgəbe surin. Shim nurra Alabero abima raksə gəratin ba. Atə nangkarə sogoria ashirra-a nyaa karəgəbe-a samma nozəna ye kuru surin ye. Ndarayaye kəndoə dibia dimin bune zaurə sələmlan au zaurə ləəmlan au suro bəlaga zaurə kuruguben au ndaranyaye Alaye surin.

## MALAIGA

Malaiga Mana Alabega wakiljin. Alaye bigəma faitaro manazəginye kuru shiro gulzəgin təpsə kuru nur Alabe karəgənzə nəmsələmro gagə. Kuru Alaye nyiro manazəgin, ya kəratəma, kitabu atəmben.

## BOALA

Ngudu tahirye, tilinaye, kələfaye atə shim alama Ro Tahirbe go, ro jirebe, bigə-a nəmadalla-a sharatə-a nəmbigəma tabattaga. Ro Tahirbe suro foto atəbe dega karəgəben karaga. Na bigəbelan shiye raksə dəgai ba.

## TĒLAMMA GANAGANA KANNUBE

Təlamma ganagana kannube karəgə bigəməbe dərizə kəljinətə kərago Alabe karəgə bigəməbe dərizə kəlzənətə manajin, atə nangkarə Alaye kərmu bigəməbe səragənyi amma təpsə kuru dəgai. Yesuye bigəma nzetkagoro kadio. Kunno kura samilan mbeji kəla bigəma tilo təpsənətəben. Alaye karəgə tultə səragəna bu Tatanzəbe Fallan, Yesu Kristi, ago təlamma ganagana anyima foto go. Kərago Alabe karəgə amusua, nunua gago səragəna.

Yesuye cinna karəgəben dajin ye tabəra bakcin. Shiro fərəmnəmiya, gəgin kuru karəgənəm tuljin kuru nyiga nənjilan sutulugin.

## FOTO KƏNANDIMI

Foto atə kam təptə badizəna kuru Ala majin fəlejin.  
Malaiga kashagar rozəna, Mana Alabe, timiaye, kəntəboaye



### 2. KARƏGI TİPSƏNAYE KURU CİNAYE

kuru kashagar ci india timin kozəna, karəgə-a ro-a yakkata  
ye sukkatayen kunte kuru kəndəbua-a suwiyo-a, kuru shiye

sogoria-a nyaa-a karəgəbe nozəna. Ibraniyawa 4:12. Mana Alabe shiro taksəgin agəria bigəbetə shima kərmugo kuru kamtə kərmuro galagatəgə falro, amma ngabo atəben shara. Ibraniyawa 9:27. Nəba bigəməbe-a nzasəra bamabega suro kulugu kannubenro walzai kau kərnagəbe kainolan warjintə.

Suro musko gadebelan, malaiga bugo kəlabə rojin, shilaa nuna kəlabə. Ateye bigəmaro taksəgin andi samma dole nuiyenro. Tigənde zauro ragəiyentə, shiga zangnyenna kuru ambanyennalan sa-a cistəgə-a ngubu bannanyen, mərə-dəa dibia-a ndalamma-aga galtə fando sammaso diyen nangkaro, tigə atə nuiye kuru mbesshinye. Kulia shiga zabin, kabu dugoro ronde fugu shara Alaben dole fəlangin. Bigəma mana mabariya Alabe fantə badijin kuru karəgənzə kərago Alabero fərəmzəgin. Ro Tahirbetə karəgə nəmsələmbero falfaltaga badijin. Nur Alabe gəgin kuru nəmsələmma samma duta badijin. Na nur fəlangənatə, nəmsələm dolero səgasə sulugin. Kərago zənzəm Alabetə karəgə amusua zənzəmtəgə badijin. Bigətə dabbaa gadegadelan fəlezənatə dole səgashin.

Bigəma, Yesu, nur dunyabe, suro karəgənəmbero gago amarne kuru nəmsələmma kəndoə nəmsələmbe-aga karəgəlan dole solugin alama fotolan rumintəgai. Yesuye wono, “Wuma nur dunyabe go, kam wuga zəgaitə, suro nəmsələmben lejin ba. Yohanna 8:12. “Karəgə kutta sandiro nəmsələm sərəgəna nurra kozənarə”. Sa Yesuye fato Ibadabero Jerusaleməlan gəgənatən, sandi samma daloa-a, dimi-a, boala-a saladənatə duzə degaro sutulugo kuru am kungəna faltugəbe kungənanza fitəna, kuru wono, “Fanyi fato Ala ngodobe, amma shiga fato barbuabero diuwa.” Yohanna 2:13-17. Fatotə shima karəgənəm go. Yesuye bigənde gafərtə basro gənyi kadio amma shiye andiga yitikago kuru kəntəbo-a kərmai-a bigəbelan andiga sutulugin nangkaro kadio. “Tatətə nandiga nənjilan ntotulugoga, nəmkambe jirebe fandewi.” Yohanna 8:36.

### FOTO KƏNYASKƏMI

Na atəlan karəgə bigəma təpsəna jirebe ruiyen. Nəm-kura-a nəmdibi-a bigənzəbe ngubu fanjinye kuru surinye. Yesu kəska dangalgataro rogatəgə. Sa kəska dangalgata wujinten, malaiga, Mana Alabe, shiro bayanzəgin, karəgənze namgatə. Kərago Alabe Kristi Yesulan fəlegono karəgənze

fajin, taganasro sa takcintən Yesu Kristi, Tata Dimibe Alabe, bigənzə ngubu mogo nangkaro isəna kuru kəska dangalgatalan susunzəro sərəgə nui. Lamartə Yesu bakkatə, kalgialan zawagatə, kusaa dibia muskoa-a shia-aro kokogatəgə kuru kəska dangalgataro bigənde nangkaro rogatəgə, karəgə



### 3. KARƏGƏ KAM SASƏRANABE

bigemabe təptəa namjin. Sa Mana Alabega kərəjiya kuru kərəngjiya, kəlanzə kutəram Alaben surin kuru abigai karəgənzə sələmna bige-ayaye asujin. Atə karəgənzəgə sukcin

kuru dalil ro təptəa-a kutta-a kəla bigənzəbero cirin, kuru Alaye shiga karəngjin. Kərago-a nələfa-a Alabe suro karəgənzəbero gagagin atəye bu Yesube bigə sammalan tulzəna. Asuta badizəna Kəmatə sandiro karəgənza namtəatə karəngə kuru anyi ronza kuttatə sətəkagin. Zabuza 34:18 Am karəgə namgatagaa səkkəmerin kuru kungunza kəlejin. Zabuza 147:3. Gadero Mana Alabe guljin: “Kam atəga wungin ronzə kutta-a ngudi-a mananyilan lolojintə. Ishaya 66:2.

Ro Tahir-a kərago-a Alabe karəgə tulgatətə zəgantın. Sa nzasəralan kəska dangalgata-a bu Yesube-aro gafəra bigəndebe figatə nangkarə surintən, bigənzə gafərtənarə asuta badijin kuru suro karəgənzəben nemtabatka səfandin bu Yesuben, Tata Alabe, shiga bigə sammalan tulzəna. 1 Yohanna 1:7. Nduyaye Yesuga sasəraiya fattəsgin ba, amma ro abadabe səfandin. (1 Korinthiyawa 6:10,11 kərane). Yesube bunzəben andi yarugo fandiye, gafəra bigəabe, lagadar nəmgalibu hərnəbe. Afisawa 1:7. Kərma ro bəlin mbeji suro karəgənzəben kuru kərmalan shiye dunya-a au ago dunyabe-a sərəgənyi, amma agoa Alabe sərəgəna, karəgənzəga kəragonzələn səmbuləna. Dabbaa, atə gultin, bigəanzə dega karəgənzəben, yaye Shatan kəlanzə koltə sərəgənyi, kuru shire kuwayaye ngabo surin gagoram fandoro ngənəptin. Atə nangkarə andi hangal gənanye kuru Ala ngodonyen gulshaga, Shatanga damnyen kuru nandelan səgashin.

### FOTO KƏNDƏGAMI

Foto atə Kristima nələfa tamogata-a yarugo-a kərmulan Kəmande-a Libomande-a, Yesu Kristiye, səfandənətə. Ate nangkarə abima gade bago sai kəska dangalgata Yesu Kristibe suronzən daraja sədin, shilan dunya shiro rogatəgə kuru shiye dunyaro rogatəgə. Galatiyawa 6:14. Yesu kəska dangalgatan nunatəgai andi ye bigəro nuiyen kuru adalro dəgaiyen ngəlarə asujin. 1 Bitrus 2:24. Kristima dunyaro rogatəgə. Suro roben lenyen, atəgai mərədə tigəbe tamonyen baro amarəgatəgə. Galatiyawa 5:12-25. Kuason nəmtahirga gaiye andiro gulgada ago dugo kam falma Alaga surin batə. Ibraniyawa 12:14.

Suro foto atəben tamarmari rangnəm rumin shiro Yesuga jinjirlan sargero ngabo kulguanzə linzanaben. Nyiye ngarra rangnəm rumin atələn shiga dibiro bakkada, hogum kəlanderə sukkurəgin jirerotə, kəlanzəro sukkuro nangkarə. Ishaya 53:11-12. Bigənde nangkarə bakkatə. Mai Hirodus-

a amnzə-a shiro rissaga kuru ngabon shiga bakkada, kəlanzəro kulgu kimea sasəko. Sa zawa kaligibe satandənatən, sandiye kəlanzəro sasəko susu zawa dınarbero. Suro muskonzə kəmbərambero kuaga sasəko susu ka maıbero. Fugunzən ngu-

Shiro  
Rogatəgə.  
Galatıyawa  
2:20.



Bigero konu  
kuru Alaro  
Roagono  
Kəmande  
Yesu  
Kristemben.  
Romawa  
6:11.

#### 4. ROKKO KRISTIBEN ROGATƏGƏ

rumngurungada kuru shiga rissaga, gada, “Wuşhe, mai Yahudiabe.”

Kəlanzəro təfajaga kuru kuaga goza kuru kəlanzəga bakkada. Ngabon shiro rissaga dazənaben, shiga jeja sotulu-

gu rojaga. Am ngubu Kristiwulan bogozai mbezai suro fato Alaben shiga ngodozai, lasha Kəmatəbero lezai, kaigaa Alabe yezai, amma kəndoa dibia Libomanza rozagana gadero. Samma gənyi Alaga ngodozaiye gulzaiye, “Kəma, Kəma,” kərmai Alabero gagagin, amma tunyi kərago Abandobe samilan sadin. Matta 7:21-27. Kuru jika kungənabe Yahudabe suro fotoben rangnəm rumin. Yahuda musko kəladonzəbero səkkəna kuru shiga səladəna gurusu fyaskuro kərago kungənabe shiga kəmbuzəgəna kuru karəgənzə dibia nangkarosatana. Fatilaa, sərsərra, kuru gapsənanzaa askərraye faidatai Yesuga buneye satanatə. Kareya ye askərraye faidatai sa kulguaga nangkarogurla fizanatən, Mana nabia Alabe tamojinnaro: “Kulguanyi nəbazəna dabun nza ben kuru kulguanyi nangkarogurla figada.” Zabura 22:18.

Askər falye shitinzə kazagalan zagono satən nji-a bu-a sakkada. Yohanna 19:33-37. Fugu gəbagəm kokkore səkkənaben, Bitrusye Yesuga fugu fero lagaben angərgono, amma atəbe ngabon shimaloa cimmalan təpsena. Nyima Yesuro mana-a kəndoa-alan njirnəmin? Au kəndoro rinəmma ba? Yesuye gademinlaro wono: “Shiye wuga fugu amben angərzəna, shiyega fugu Abanyiben samilan angərrgin.” Matta 10:32-33. Yesuye gademinlaro wono: “Nduyaye kam ngabonyin ishiya, kolle kəskanzə dangalgata gozə kuru wuga zəgai.” Matta 16:24. “Kuru shiye kəskanzə dangalgata gozə wuga zəganyitə, wuga wajjpsənyi.” Matta 10:38.

Yesu, Kau Libobe,  
Baktəmma nyi nangkaro,  
Bunəmlan fizənatə  
Ku karəgənyiga tulle;  
Aibu-a kəntəbo-a bigəbe  
Kəma, wuga itkaye.

### FOTO KƏNWUGUMI

Na atəlan ro tulgata-a tahirgata-a bigəməbe andiro fəlejigo, shiye herra kanjino-a ngubu Alabelan sətəgagin. Shima kərma fato jirea Alabe go, kəndəgaram Alabe Abatə, Tatatə-a, Ro Tahirtə-a, alama foto Yesu Kristibe; “Kam wuga sərayiga mananyi gojin; Abanyiyə shiga səragin kuru nanzəro ishiye dəgəiyen.” Yohanna 14:23. “Alaye kamga Yesu Kristimben darajajin, barga dəpsəgin kuru nərga cin.” Luka 1:52.



Karəgətə kərma fato Ala robero walzəna. Bigə gotəna. Susu dabbaa gadebero, Shatan, aba kattuguabe hogumjin, Ro Tahir suro karəgətəben dəgai. Susu kəndoa wagata tigəbero, kərma karəgətə alama kulo kəska tataabegairo walzəna, kəska tata gojin, tataa robe səkkın alama kəragogai,

Kərago  
Kunno  
Nəlefa Galatiyawa  
5:22,23.  
Kanadi Kurugu

Nəmamusu  
Nəmngəla  
Nzasəra  
Rogana  
Dabudabu



## 5. FATO ALABE

kunnogai nələfagai, kanadi kurugugai, nəmamusugai, nzasəragai, roganagai, rakgai kuru tata robe gade tamtamma Ala-a kuru kammaro. Kərma shiye dalam tataa jirea suro kəska anab jirətəben, Kəma Yesu Kristinde walzəna. Ashirtə

tata səkkənnabe shiye suro Yesu Kristiben dəgai kuru suro-  
nzən Kristi dəgai. Yohanna 15:1-10. Shiye mananzəga  
suro karəgənzəben rojin. Ro Tahirlan təmbələna kuru suro  
Ro Tahirben baptisma tədəna, shiye kəntəbonzə mbeji tigə-a  
kuru məradəanzə-aga kənasar sədə, kuru tigə-a məradəanzə-a  
rozəgo. Kentəbo Ro Tahirbelan suro Roben raksə lejin.  
Nguburo ağı surəna-a fanzəna-alan dəgai ba, amma nza-  
səralan dəgai; atə nangkarə nzasərə Yesu Kristilan shima  
kənasar go dnyaga kənasar sədintə. Təmalan dəgai kuru  
təma roalan waltə-a kuru gana tusshiya kəndəga Kəma  
Yesu Kristindebe dunoatin. Kəragə Alabelan kuru suro  
kəragə Alaben dəgai, abadaro dəgaitə.

Sandiye karəganza tahir bargaa, Alaga sorin nangkarə.”  
Matta 5:8. Mai Dawuda, atəyaye nəmgalibunzə-a kuru  
kənasarnzəga samma kəla kəlado degabero, atəyaye Gurzan  
Goliath-a gapsənanza-a cəzəna, kuwayaye məradə kura fal  
suronzən fanjin dole səfandin Alaga kuru səragənaga, shiye  
nozəna. Sədiga karəgənzəben cərəna: “Suro nyiro karəgə  
tulgata alangne, Ya Ala, ro ngəlaga tigənyiro bəlingəne.”  
Zabura 51:10. Nduma karəgənzə raksə tuljinma bago au  
raktəa shi kəlanzəbelan karəgənzəga suronzən raksə alakcinma  
ba. Alabero dole isə təba karəgə-jirelay-a kuru nəmnijrtə-a  
kuru bigəanzə koljin alama Mai Daudaye sədənətəgai, alama  
tata bənnagatətəgai goduaga kolzənətə kuru abanzəbero  
waltəna kuru suro ro kuttaben shiro gulgono: “Aba, wuye  
Ala-a nyi-aro bigə diskəna.” Alaye bigəməwosoga banazə  
nanzərə kəndə suro ro jire təbəbelan, atə nangkarə Alaye  
wadə gozəna kuru wono, “Karəgə bəlin nandiro yiskin kuru  
ro bəlin nandiro yikkəskin. Tigəndolan karəgə kauaga  
gojin kuru ronyi surondoben yikkəskin kuru suro sharaanyiben  
nandiga yikkəske lənəwi. Atəma wadə bəlin Alaye sədənətə  
kuru bu Tatanzəbelan, Yesu Kristi, shiga tabaa gənatəgə.

Suro foto atəben malaigaga gademinlaro fəlangin malai-  
gaa sandiro nəmwəladı sadəna ro abadabə waratazaitə,  
kuru dərənəmkəllə sandilan Kəma rijintə. Zabura 34:7;  
91:11; Dan. 6:22; Matta 2:13; 18:10. Kəndo Kəngayamma-  
bə 5:19; 12:7-10. Shatan ye suro foto atəben turin karəngə  
karəgəben dagata, dama kəndəgaram burgobə gademinlaro  
gagə. Atə nangkarə andiro gulgada hangal gənanye kuru  
Ala ngodonyeə dalilnzətə Shatan, kəladonde, alama bəndi  
kura ngurnguringai, nduyayega kəmburo majin fofomjin.  
1 Bitrus 5:8. Shatanro daptəne kuru nanəmlan səgashin.  
Yakub 4:8.

## FOTO KĒN'ARASKĒMI

Atāma foto kutta kam ngaboro waltānabego. Shim tilo zaktā badijin, kasadānzā hamta wuratā fālejin, suro ro Kristinzāben kam kēnāmmaro walzā kuru lambi baro walte



### 6. KARĒĢĒ JARAPKATAYE KURU YAKKATAYE

badijin. Shim gade nongu baaro memejin, dunyaga kēragoro ngēnāptin. Nurtā suro karēgāben fulujin, kuru Kristilan zau fantā raktānzābe suro karēgānzāben alamaa fāleta

fulutəna, kuru kərma gadero sakro dazai ba. Shima dabu jaraptəaben go sandiro kəlanzə zəgai susu Shatan dapsəgin baro. Kogo jaraptəabe kərəngjin susu kogo Alabero. Fato Alabero lejin-yaye kuru nəmdunyatinzə gəratəro ngənəp-tin, suro karəgənzəben Alaga koljin kuru Alaga kərago bur-gobe fattəgəna. Shillogutə suro karəgəben, karuruti, la-gəro walzəna kəska dangalgata katkun kurgoguro walzəna. Karəgə yindi badijin, Alaga suro ngodoben nəmkam kəndo dabarjin. Kəndəga karəgənzəben njeskatəro waljin, kuru jaraptəamaro na cin dərənəmkəlle karəgənzəbelan.

Ro tawusbe gagoramga matə badijin. Rokuraro waljin, wanege rokuraga Kristimagaiyin kunte sai herlan tətəago njessəna. Nəmkənzatə tabəratə bakkcin kuru gagoram majin. Wanege kam lagaye shiga kənza fallan jarapcin, au shiro guljin mbal lagətə ngəla. Mbal gana au mbal kambaiyin kunte alama ngada kəmadugə kura kənzabero səkkintə asujin ba. Au wanege kamu laga mbalga kwanzə-a sobaa-a nangkarə sədin sa kəlanzə afuzə dugo kuru mbaltəga kəlanzə sai ba guljin, amma am gadega surətəro səkkin kuru ro nəmkənzəbelan faitin. Nəmgəntəmma kənzəna-a isai kuru Kristima batila samma janəmlan jarapcin. Wanege kunnolan təlam dibi-a hal dibi-a, kuru mana kadabua-a fantə badijin, am dibiga rago badijin kuru suro kəbuskea-a biskea dibi-alan sədin. Wanege kam lagaye shiro guljin biske nəmKristitəbe au futu biskebe shima ngəla go na kwangaa-a kamua-a biske sadin rokonzan kuru ngəla gənyi suro futu kərdiben biske sadintə. Naa biskebe samma sandima naa hal dibibe tambingoro asujin ba, kuru biske Kristibega bogota atəgaitə shima dibi go kate indi atəben. Futu Kristia bogota atəgai cigareta-a taba-a kənzabe, dibinzə samma tilo alama futu kərdia kurebeye kənzabe, dalinzətə sasai nguburo kuru kausa-a bune-aso sasai. Yesuye təmmaro sai ba kuru Kristima Yesuga zəgaitəye gənyi.

Shatanye shiro guljin bigəlan biske diotə shima bigə gənyi go. Bigə falro kəndotə, hal dibi falro kəndotə banna gənyi; atəma ago jaraptəmatəye shiro gulzəngo sai shatan kadabua hal dibibe gagoramga suro karəgə tulgatəben fando kuru shiga zəgantın gademinlaro.

Kamtəye suro foto atəben gordolan karəgəga sukcin karisəwu-a kuru kəladəa nəmKristibe-a manaa faroanzalan karəgəga zazaitə. Karisəa-a rutə-aga ambero raksə kanadi

gojin ba, sa sobaanzoben ishintən taganasro. Manaanza karəgənzə suksai kuru yim kərago Alaben lagəro wəlzənanaman dalilnzətə ritə ambe Alabega kozənarə fantə badijin, kuru ritə ago amsoye manazaiya kuru təmazaiya, kənji kambero waljin kuru ngaboro waltin.

Gərgatə-a karəgə zau-a sa nyamabe ba-a ngənəbu-alan gademinlaro kuru karəgəga hogumtəro ngənəptai. Kaci-nzəbega kashi zəbinna-a lanjinna-a kadabuarə sədəna sandilan Alaga songorəna kuru Alaga ngodozəna burgon. Shatan-ye kunten futu ganaga, cinna ganaga səfandiyə, kadi nəndəlibe suronzən ishin kuru gagoramga kurarə sədin, dabbaa gade gagəgin nangkarə.

Zauro kəske kərago kungənabe suro karəgə kambero ishin gənyiga mabariya Kəma Yesube kərəngnyen. Shiye wono, “Hangal gənane kuru Ala ngodone jarəptəro wante gagəmi.” Matta 26:41. Atə nangkarə shi təmazənətə dajin, hangal gənazə wante sukkurinyi. 1 Korinthiyawa 10:12. “Suluge samma Alabe dolero muyen dalilnzətə batila Shatanberə rangnyen danyen.” Afisawa 6:11-18.

## FOTO KƏNTULURMI

Atə kəndəga karəgə kambe ngaboro waltintə fəlejin, ngabon karəgətə nurrarə falro tədəna, kənjo samibe sətəmbəna kuru Ro Tahirbe səmogəna, shiye sukkurəna. Kəndəga kambe fəlejin ye shiye təpsənyə təmmarə, albishiryə shiro kutuba tədəna ye shiro bayəntəgəna amma karəgənzə cibbuzəna bigə sədəna kuwaye.

Yesu, Kəlanzə, kəndəga kambe ngaboro waltintə bayənzəna sa gulzənətən: “Sa ro kadabua kamlan sulugənətən, naa ngamdulan lezə tusu majin kuru shiga səfandin ba. Shiye wono, “Na luguskənarə, waltəskin” kuru ishiya shiga fəragata kuru zayegata səfandin. Daji kəlanzəro roa gade tulur ləzə satin, dibinzayə dibinzəga kozəna; kuru na tutulan gagəgə kuru dagai, kəndəga dargebe kamtəbe shima dibi burgobe go. Luka 11:24-27. Amma sandiro sədəna alama karabu jirətə; kəritə fitarə kəlanzəro waltəna gademinlarə; kuru godu kurkuri tulgatayə dabdablan tambartinnarə. 2 Bitrus 2:22.

Manaa Kitabu Alabe anyi kəndəga karəgə kam atəbe farakro bayenzai. Bigə suro nəmbatilanzə sammabən dəga isəna kuru suro karəgəben hogumjin. Fəskanzən kunten alama ago laga karəgənzə dibijinbe fəlejin. Ro Tahirbe dolero

karəgəga koljin dalilnzətə bigə-a Ro Tahir-a raksa rokko dagin ba. Nurra nəmsələmna nəmkamnza ba. Karəgətə fato Alabe ye kuru fato Shatanbero raksə waljin ba. Malaiga, Mana Alabe, dolero, karəgə kuttalan cijin, ngabo surinye



## 7. KARƏGƏ NGABORO WALGATA AU CIBBU

kam au kamu atə təpcin alama tata bannagataga fando təmajin ye. Kəlanzəro isəna sa dabu goduaben napcintən kuru karəgə kəjilan timbinzəga karelan godua zəbintə sə-

mbəlin, amma kam gənyi shiro sandiga co. Kəndəganzə fatkataga ngaboro walta asuzəna, təpsəna kuru wono: “Cinge na abənyibero lengin kuru shiro gulgin: “Bigə fugu Alabe-a fugu nəmmalan diskəna kuru wuga tatanəmlan kərma bogotətə wajipsənyi. Dalilnzətə təptənzə jire-a-a karəgənzə kutta bigənzəbe-aro abanzə shiga gafərzəna kuru kəna kaisəa cezəna kuru shiga kalaksəna.

Amma mana atən ro təptəbe ba shiga banazə Alaro waltəgin, shia Yesube sukkure gafəra-a tultəa-a majin. Karurutinzə alama su kannualan wartingai kuru tetin. Səmoanzə fantəbega mbeji amma kogo ngodojinna Alabe fanjin bə gadero. Shimmzə kurube mbeji amma bəlaga datəgəram bago kannube suro shiben gana tusshiya luptin surin ba. Kərma bigənzə sədin fetero nongu-a karəgə kutta-a ba. Shatanye karəgənzəga hogumtəro isəna nangkarə kuru alama mai kuris kərmaibelan napcintəgai. Wanegə degaro kwason fəlange kəji awulozəgin alama kau bul kabarbe amma suronzən shilaa am nunabe-a kadabua bigəbə-a təmbəlin. Matta 23:27. Aba kattugubeye na ro jirebega gozəna. Dabbabiso, bigəwoso nanzən Shatan kəlanzə-a ro kadabua-a shiga karəgəro hogumtəgə banazəgintə. Kəlanzə azabuwu kadabuarə kolzəgin səragənayaye, kənjinzaro walzəna atə nangkarə rakcin ba. Jiretə tagardajin alama Ala Bitrus Kəngayamyə gulzəna, wono, “Am shara Musabe ruzanasotə ca sonunaga, hogum zau jirebe təmatin am Tata Alabega gəbatsanasotəro kuru bu Tata Alabe ago tahir babe isapsəna kuru Ro Herbege zauro wazəna. Ibraniyawa 10:29-31; 2 Bitrus 2:1-14.

Ya kəratəma, atəma kəndəga karəgənəmbegoga, Alaro yikkərə sədiga karəgənəmbelan. Nyiga nztəkago-a nyiga gafərtə-a kuru tultə bigəa sammabelan ro jireə təptəbelan isəmiya. Shatan-a roanzə samma-a jero raksəna kuru shiga karəgənəmlan sutulugin shiro dionzə amargəmiya. Are alama dəlīma Yesubero isə kuru yilzənagai, “Wuga tulta rangnəm ragəmiya.” Yesuyə wono, “Ragəskəna, nyi tulgataro walle.” Marku 1:40-43. Amma karəgənəm cibbuguminna dəgamiya kuru nurro nəmsələmna səragəna go, nyilan təma au banama bago, kərma susu robero, nəmsələm susu nurbero karnəmin nangkarə.

## FOTO KƏNWUSKUMI

Na atəlan bigəma cibbuataga kərmuro karəngjinna fəndiyən, tigənzə nəmzəulan təmbələna kuru karəgənzə ritə kərmubəlan təmbələna. Kərmu (shilaa kam nunabə) aba

Kənzəna  
Nəmgəntəm  
Nəmkadabu Halbe  
Məradəa Dibi  
Abattə Agobe  
Cida Karamabe  
Nəmkənza  
Kərigəa  
Nzasəra Ba

Watə  
Ardia Ba  
Nəmcəmi  
Gərgata  
Ləbala  
Mana rutube  
Kəra Gultəgə  
Kattugube  
Nəndəli  
Kam Njezo



### 8. KƏRMU BIGƏMABE

shilaa bə sa fallan kadio təmatənyiyə kuru təragənyiyə kuru shimnzə ritəbə bəlaganna shiga dibiro wujin. Kəjia bigəbə




kozəna kuru aɡeria yagətəa-a taman zau-a dolero alutai. Nəmzau kannube ronze ritatəga gojin. Ala ngodo sərəgə-nayaye, Alalan nəmkkamma kuru karəngtə-aga raksə səfandin ba. Manaa de samma sasətəbe sobaanəzə dunyabeye shiga raksa banazai ba, nəmgalibunzə nasha kəragonzə kungəna sapsənabentə ronze nətəkago au nəmzaunzə datə au kabunzə kurugutəgə raksənyi. Alaga tətətə ngənəptin, Shatan dama ganama shiro cin ba. Ago dunya atəlan sərəgənawoso kuru sandi dəgaitə nangkarə alama shiga rissagai kuru sunyia kattugunzə dunyaabe raksa shiga banazai ba. Ago ritəbe suro muskoa Ala roabero nəkəkərotəga asutə badizəna. Shiye təmazəna Alaga kalkalro fando kəla digalnzə kərmubelan amma kərma zaurə dargəzəna. Am dubu sonuna tadə balan dama safandə Alaga mazanyi kəla digalnzə kərmubelan. Atə nangkarə Alaga manogo sa təfandinlan andiro gulgada. Susu sasətəbe Alabe fantəro, bigəma nui atə shi herra kərago-a Alabega sa ronzeɡalan wazənatə, kərmatə kogo Ləgalinzəbe guljintə dolero fanjin, “Na nyi kolle, nyi langata, suro kannu abadabero, Shatan-a malaigaa-aro dabargatə. Matta 25:41. Amro falro kərmutə galagatə amma ngabo atəben sai shara. Ibraniyawa 9:27.

### FOTO KƏNLEGARMI

Na atəlan foto Kristima jireaga ruiyen, rizaptəa-a jara-ptəa-a kannube tigə-a Shatanbe-a kanadi gojinna kuru kənasar sədinna. Shiye nashaa sammalan jaraptin amma datəgə-ramro kanadi gojin. Shima kənasar fandoma go kozəna nasha Yesu Kristimben, kuru suro kəndəga Kristimabelan badi-zəna bas genyi amma suro ro atəben tamojin, Yesuro Badi-təma kuru Tamotəma nzasərandebe surin. Ibraniyawa 12:1,2.

Shatanye roanze sammasolan karəgə nzasəraa dərinzə kəljın gəgoramga fandoro ngənəptin amma faida ba. Rokura, kərago kəngənabe, ro hal dibibe baksai. Susu kəri-a zazərma-abero, “dal-a koro-a” dalilnzətə təbbəro bigəye kəlanzə alama nəmɡadegade sifaabega au suabea sangangai. Amma Kristima hangal gənajintə bigəga suro sifabibegoso fanjin au əddinbe au malaiga nurben kunte ishın, dalilnzətə Mana Alabe-a ro jirebe-a suro karəgənzəben suro jire samma-bero shiga sasəkkın kuru dibi-a ngəla-a asuten shiga banazai. Dabbaa ngubu roa shatanbe rokkonzalan təman, kam fugunzən nguron farjintə kos mbalbe suro muskonzəbelan rangnəm rumin, Kristimaga nəmkeja dunya atəbe-a kənza kam sagananjintə-a biske-alan jarapcin. Amma anyi samma kəla

Kristima kəlanzə Alaro cinatə abima ba bigə-a dunya-aro nunatə. Atəye shiga karəngə Alabero duzəgin. Kam ga-detə shiga gordolan zajin. Manatə dibi, nami, karisəa,



## 9. KARĒĞI NASARGATA

kuru wusatəga nzasəra ba-alan kuru zauro təbərro am bogota Kristiwu amma jire baalan karəgənzə zazai. Amma kəlanzə kokcin mana Yesubelan gulgono, "Nandiye bargaa sa am

nandiga lanzai kuru nandiga kuttun satai, kuru jilia dibibe sammaso kelandon jire baro sunyi nangkaru gulzaiten. Karəgə kəjinogo kuru zauro kunnotunogo ngənəburamndo kura samilan nangkaru. Matta 5:11,12.

Bigə, tigə, shi KĒLANZĒGA kuru Shatanye Kristimaga kərago Alabelan firtagaro zauro ngənəptai. Amma namərshelelan raksə guljin: “Ndu andiga kərago Kristibelan firtagə rakcin, ngənəbu au karəgə kutta au kuttun kənta au kəna au nəmde, au tajiriba au kashagar? A’a, agoa anyi sammalan, andima kənasarwuga kozəna shimben andiga sərəgənatə.” Romawa 8:35-39. Suluge Alabe sammaso səməna raksə dajin kabu dibilan kuru kəntəbo Ro Tahirbelan tigə-a jaraptəa samma gade-alan kənasar sədin. Kristi suro karəgənzəben dəgaitə shiye kəntəbonzə kəntəbo Shatanbe-a ronzə ngubube-a kozənarə asujin, atə nangkaru shi rokkonden dəganatə shi, Shatan, suro dunyabenna dunon kozəna. Yesuye Shatan-a bigə-a kərmu-alan kənasar sədəna kuru shimben andiga kənasarwuga kozənarə tədo kuru rangye kənasar diyen ye kuru zawa nərgaben nasartiyen.

Shillogu karurutinzəbe shima farakye kuru nurraye go. Karəgənzə nzasərə-a kuru Ro Tahirbe-alan təmbələna. Malaiga Alabe kəlanzəbetə shiro taksəgin wadəa darajaa am dargebero kənasar sədəna-a kuru kanadi gozana-aro cina. Bayan Yohannabe 2:7, 11,17,26; 3:5,13,21.

Jika fərəmgata kungənabe karəgənzə Alaro cina bas gənyi fəlejin, amma kungənanzən kuru kəngantianzəa samma Alaro cina. Susu kungənanzə kəla tamtam bigəga diobelan bannatəbero, shi am ngudi banajin ago səfandənabe ci megu Alaro cin ngabo bana na ago raksənabetə njoben. Futubison kungənanzəga nərga Alabelan fəidajin alama dimiye wulnzəga kəmanzəro sərəgənarə cintəgai. Launa gurasabe kuru bunyi-a ro ngəla-a rak-alan dəgaitə fəlejin. Mbalga kəmbunzəro sədənyi, kuru kəlanzəga bu kəmbu au dabbaa nuna kəmbu-alan kadabuarə sədənyi. Taba zabin ba au sai ba dalilnzətə tigənzəga fato Alabegairo kadabu baro rotinro taksəna. Karəgənzə fato Ala ngorobero walgono kuruman fato Alabero kullumro lejin kuru daraja cina woktu jiribison kuru halbison lejin. Ala ngodota sərəgəna suro fato Alabeyaye au suro fanzəbenyaye. Namərshegaro yalnə sapcin kullum Ala ngodota nangkaru dalilnzətə nozəna Ala ngodota baga Kristima raksə dəgai ba, alama bunyiye raksə na nji balan dəgai batəgai. Kitabu fərəmgata Baibel, Mana

Alabe, shiye shiro kitabu fəramgataga fəlangin, kərajintə kuru kasadegaro səlintə. Shima shianzəro fatilaga go, kashagar Shatanga kənasar sədənətə, gurasa kullumbe, ronzəga ambajin kuru shima nji ngudunzə cejintə go. Nji kasalabe suro Mana Alabero kərma ye gademinlaro kuru shiga alama kutaram karəgənzəbegairo fəidajin, suronzən kəlanzə alama shima jirebegairo surin.

Kəska dangalgata gotə sərəgəna, shiro taksəgin shiye kəlanzə Kristiro rogatəgə kuru nəmbəlin robero cizəna kuru atə nangkarə agoa samilan, agoa abadabe, agoa turin baga majin. Alaga kaptəro dabartəna kuru alama kəska njilan koktəna suro bigəlanzəben tatanzə gojin alama dalam suro anab jirebe tata ngubu gojintəgai. Kərago tamogata Alabe karəgənzəgə səmbələnə kuru dalilnzətə shi kərmutə rizənyi. Zabura 1:1-3; Yohanna 15:1-14; 1 Yohanna 4:18-21.

### FOTO KƏNMEGUMI

Yesuye wono, “Wuma citə go ye, wuma ro go ye; nduyaye kam wuga sasəranatə, nui yaye, roajin.” “Kuruman nduyaye roama sasəranatəye nui ba.” Yohanna 11:25,26. “Nduyaye kam nzəkkəlioni atə kərənnzə Ala wuga sunotənaga sasəraiya, ro abadabe səfandənə, hogumtin ba, kərmu rezə kozə roazənə.” Yohanna 5:24. Kərmuye Kristimaro ritanzəye ba kuru azabunzəye ba atə nangkarə kərmu kənasarlan tundin. “Ya kərmu, ndara kokkatəgəm? Ya kabar, ndaran kənasarnəm? Alaro ashkərnyego andiro Kəmande Yesu Kristimben kənasarga cina nangkarə.” 1 Korinthiyawa 15:54-57.

Kam Ala nangkarə dəganatə kərmu rijin ba. Sa citənzəbe dunya atəlan ishiya, kunnolan fanzə tamogata abada-bero lejin. Kəngəyam Bulusye wono, “Mərədənyi letəbe mbeji kuru na Kristibenro walta, shima zauro ngəla go.” Filibbiyawa 1:23. Kristimaye fəska Yesube kuru zauro sərəgəna shi nangkarə kəska dangalgatalan nunatə kuru shiga bunzəlan saruguna. Ro Tahirbe shiro manaa Yesube taksəgin sa gulzənatən, “Wante karəgəndo shiwalnəwi; Alaga yasərawiya kuru wuyega yasəraigo. Suro fato Abanyiben na tusube ngubu mbeji . . . . Waltəske, nandiga kəlanyiyo nzamogəskin; atəgai na wu mbejilatəyen, nandi ye mbeji.” Yohanna 14:1-3. Agoa Alaye am shiga sarəgənarə dabar-zənə, shimye surunyi am səmoye fanzənyi ye karəgə kambero

gagaganyi. 1 Korinthiyawa 2:9. Nerga na samiben sandiro dɔbargata na atɛn kɛla duniyabelan kɛnasar sɛdɛnatɛ kuru Kristiga sasarana tɛlam kɛla duniyabelan bayantɛ au fasartɛro suitɛ ba.



## 10. KERMU KRISTIMABE

Suro foto kɛnmegumi atɛben fatoro letɛma nzasɛrama haigabe Kristibe andiro taktɛgɛna. Susu shilaa kam nunabe rigata kurubero, malaiga Alabe turin. Shiye ro adalga gozɛ Alabero kalakta jejin. Rotɛ jea tigɛ nunatɛbe witin kuru

karəgənzə ragomabero farzə lejin kuru dunyalan shiro kuru shimben dəganaye kuru nunaye. Kənde kəji na Alaben shiga jejin, atə nangkaro Kəmanzəye shiro guljin, “Ngəla dimma, nyi, waladi ngəlaye kuru mərsheaye, kunno Kəmanəbero gage.” Matta 25:21. Shatan shilan hogumzə ba fugun, atə nangkaro kərmu amnzəbe kuru Kəmatəbe shima daraja go. Zabura 116:15. Kuru kogo samilan fangəna, wuro gulzəgin, “Kərmalan am sonuna Kəmalan sonintə bargaa: Aa, atə nangkaro cidaanalan tussai, Rotə wono, kuru cidaanə sandiga zagai.” Bayan Yohannabe 14:13.

Ya Kəratəma kitabu atəbe, Ala nyiga Yesuro karəgənəm kənjan banazə, atə nangkaro, shiye wono, “Tatanyi, feronyi, wuro karəgənəm she.” Nyiro karəgə tulgata cin kuru suro nəmro ro ngəla səkkin. Wante karəgənəm batilamaro izunu yim nyiga mərədəanzə dibilan sərfatkənyi, atə nangkaro kam karəgənzəga sasəranatə zoli. Karabua 28:26. Amma kam burgoaro lejintə sətkagin. Bigənəm kolle kuru adalgaro rone, atə nangkaro agəria bigəbe shima kərmu go, amma kənjə Alabe Yesu Kristilan shima ro abadabe go. Romawa 6:23.

Nandi dugo rondo Alaro kolguwate manaa jirebega dunowaro ronogo, suro- nzasəraga kuru kəragoga Yesu Kristibelan, atə nangkaro shiga yasərauwatə nonuwa kuru kagəndo yikkəwa daji atə shiro kolguwatə kabu tuturo shiye shiga raksə rojin. Nzasəra zauro tahirralan kələndo garnogo, Ro Tahirbelan Ala ngodonogo, kərago Alabelan kələndo taigo, Yesuga wunəwiya Baditəma-a kuru Tamotəma-a nzasərandebega, Mai Maiabetə kermama ishin.

“Daji Shiro nyiga nzukkurolan raksə dāpcin, fugu na nərganzəbero kunno ngubulan bigə balan raksə nandiga fəleze- gin, Ala tilo burgoaro Libomandero, nərga-a nəmkuura-a, kəрмаi-a kəntebo-a, kəрма abadasoro. Amin.” Yahuda 24,25.

“Lardə mbeji nurro shawa go,  
Nzasəralan shiga ruiyen:  
Ye Kəmande andiro dajin  
Shi kəndəgaramnde dabarjin.

Kaiga kəji atə Yesube  
Na shawabelan andi yenyen.  
Karəgə kuttande gadero ba  
Yesuro nərga kura yiyen.

Chorus:

Zaman fugubelan  
Na tutun andi amzə mbeji.

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**



informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

[info@angp.co.za](mailto:info@angp.co.za)

**A Gospel Literature Mission financed by donations**

**Une Mission de litterature evangelique financee de dons**

**Missao de literatura Evangelica financiada por donativos**

(Reg. No. 1961/001798/08)